



TAJUK KHUTBAH JUMAAT

Siri: 42 /2024

LIMA PERKARA PERLU DISEGERAKAN

18 Oktober 2024

Bersamaan

15 Rabiulakhir 1446

DIKELUARKAN OLEH:

**JABATAN HAL EHWAL AGAMA
TERENGGANU**

PERINGATAN:

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

KHUTBAH PERTAMA

الْحَمْدُ لِلَّهِ الَّذِي أَرْسَلَ رَسُولَهُ بِالْهُدَىٰ وَدِينِ الْحَقِّ لِيُظْهِرَهُ عَلَى الدِّينِ كُلِّهِ،
وَكَفَىٰ بِاللَّهِ شَهِيدًا،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ،
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ،
أَمَّا بَعْدُ، فَيَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ
مُسْلِمُونَ.

Sidang Jumaat Yang Dirahmati Sekalian,

Bertakwalah kepada Allah swt dengan melaksanakan segala perintahNya dan meninggalkan segala laranganNya. Mudah-mudahan kita semua mendapat hidayah, taufiq dan sentiasa dalam rahmat Allah swt.

Khutbah pada hari ini bertajuk:

LIMA PERKARA PERLU DISEGERAKAN

Islam agama yang mengajar umatnya agar sentiasa tenang dan tidak tergesa-gesa dalam membuat sesuatu tindakan. Bolehkah kita melakukan sesuatu perkara dengan tergesa-gesa? Sudah tentunya tidak. Ini kerana tergesa-gesa merupakan salah satu perbuatan yang tidak baik.

Walaupun begitu, terdapat lima perkara yang dibenarkan kita bersegera dalam melaksanakan suatu perkara tanpa bertangguh.

Sabda Rasulullah saw yang bermaksud:

Tergesa-gesa itu daripada syaitan, kecuali dalam lima perkara iaitu memberi makanan kepada tetamu yang datang, menguruskan jenazah, mengahwinkan anak perempuan jika sudah bertemu jodohnya, membayar hutang apabila sudah sampai tempoh dan bertaubat daripada dosa.

(Hadis Riwayat Muslim)

Sidang Jumaat sekalian,

Perkara pertama yang perlu disegerakan ialah memulia dan memberi layanan baik kepada tetamu. Sabda Nabi saw:

مَنْ كَانَ يُؤْمِنُ بِاللَّهِ وَالْيَوْمِ الْآخِرِ فَلْيُكْرِمْ ضَيْفَهُ

Maksudnya : Sesiapa yang beriman dengan Allah dan hari akhirat maka hendaklah dia muliakan tetamunya.

(Hadis Riwayat Al-Bukhari)

Berdasarkan hadis ini, di antara kesempurnaan iman adalah mempunyai sifat suka memulia dan memberi layanan baik kepada tetamu. Antara adab-adab yang baik terhadap tetamu ialah:

Pertama: Segera menghidangkan makanan dan minuman untuk tetamu.

Kedua: Menghidangkan apa yang terbaik yang ada di dalam rumah.

Ketiga: Memberi layanan dan bercakap dengan lemah lembut dengan tetamu.

Sidang Jumaat Sekalian,

Perkara kedua yang perlu disegerakan ialah menyegerakan pengurusan jenazah iaitu memandikan, mengkafankan, sembahyang dan menguburkannya. Namun dalam keadaan tertentu, dibenarkan untuk menunggu kaum kerabat terdekat, jika tidak mengambil masa yang lama.

Kita dituntut untuk menyegerakan pengurusan jenazah seperti yang dinyatakan dalam sabda Rasulullah saw yang bermaksud:

“Segerakanlah mengurus jenazah. Jika dia jenazah yang soleh, maka ia adalah satu kebaikan kamu menyegerakannya. Namun jika dia tidak soleh, maka kamu lepaskan satu keburukan daripada bahu-bahu kamu.”

(Hadis Riwayat al Bukhari dan Muslim)

Sidang Jumaat Sekalian,

Perkara ketiga yang perlu disegerakan iaitu mengahwinkan anak gadis. Oleh itu, jangan terlalu merumitkan urusan perkahwinannya. Yang paling penting pasangan itu mempunyai agama yang baik, akhlak dan peribadi yang mulia dan lain-lain sifat yang boleh menjadikan rumah tangga penuh rahmat, barakah dan mawaddah. Nabi saw memberikan beberapa nasihat berkenaan dengan urusan memilih jodoh.

Baginda saw bersabda :

إِذَا جَاءَكُمْ مَنْ تَرْضَوْنَ دِينَهُ وَخُلُقَهُ فَرَوِّجُوهُ،
إِلَّا تَفْعَلُوهُ تَكُنْ فِتْنَةٌ فِي الْأَرْضِ وَفَسَادٌ كَبِيرٌ

Maksudnya: Jika datang kepada kamu orang yang kamu redha akan agama dan akhlaknya, maka kahwinkanlah dia. Jika kamu tidak melakukannya, maka ia akan menjadi fitnah di bumi dan juga akan berlaku kerosakan yang besar.

(Hadis Riwayat al Tirmizi)

Maka, jika sudah bertemu calon yang sesuai, yang mempunyai akhlak baik, agamanya baik dan sudah bersedia untuk melayari bahtera perkahwinan, maka segerakanlah mengahwinkannya.

Sidang Jumaat sekalian,

Perkara keempat yang perlu disegerakan iaitu membayar hutang. Apa yang penting adalah hutang hendaklah dilangsaikan dan perlu dibayar dengan kadar segera.

Diriwayatkan bahawa pada suatu hari dibawa jenazah kepada Rasulullah saw untuk disolatkan. Baginda terus bertanya: Adakah dia meninggalkan hutang yang belum dibayar? Sahabat menjawab: Ya, sebanyak tiga dinar. Baginda bersabda: Kamu semua solatlah untuk jenazah ini.

Lalu Abu Qatadah berkata: Wahai Rasulullah, imamkanlah solat ke atas jenazah ini. Saya akan membayar hutangnya. Maka baginda kembali tampil ke depan dan mengimamkan solat jenazah tersebut.

(Hadis Riwayat al Bukhari)

Sabda Rasulullah saw yang bermaksud:

Roh orang yang beriman tergantung dengan hutangnya sehingga dia melunaskannya.

(Hadis Riwayat al Tirmizi)

Sidang Jumaat Sekalian,

Perkara kelima yang perlu disegerakan ialah bertaubat daripada dosa. Taubat daripada dosa bererti kita kembali merujuk kepada Allah swt dengan meninggalkan dosa, menyesali yang sudah terlanjur dan berazam untuk tidak mengulangi lagi, serta memperbaiki amalan dengan memperbanyakkan kebaikan.

Jika dosa itu berkaitan dengan manusia, hendaklah meminta maaf daripada manusia terbabit. Sekiranya dosa berkaitan dengan harta benda, hendaklah dikembalikan harta tersebut kepada tuannya.

Sabda Rasulullah saw yang bermaksud: Orang yang bertaubat dari dosanya adalah seperti orang yang tidak mempunyai dosa.

(Hadis Riwayat Ibnu Majah)

Sidang jumaat yang dirahmati Allah

Mengakhiri khutbah hari ini, marilah kita mengambil iktibar dengan menyegerakan lima perkara yang sangat penting ini agar kita tergolong dalam kalangan as-Sabiqun as-Sabiqun.

أَعُوذُ بِاللَّهِ مِنَ الشَّيْطَانِ الرَّجِيمِ

وَالسَّابِقُونَ السَّابِقُونَ ﴿١٠﴾ أُولَئِكَ الْمُقَرَّبُونَ ﴿١١﴾ فِي جَنَّاتِ النَّعِيمِ ﴿١٢﴾

Maksudnya: Dan orang yang telah mendahului (dalam mengerjakan kebaikan di dunia), yang akan mendahului (mencapai balasan di akhirat kelak). Mereka itulah orang yang didampirkan (di sisi Allah). (Tinggal menetap) di dalam syurga-syurga yang penuh nikmat.

(Surah al Waqiah, ayat 10 - 12)

بَارِكْ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ آيَاتِ وَالذِّكْرِ الْحَكِيمِ،
وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ،
أَقُولُ قَوْلِي هَذَا وَاسْتَغْفِرُ اللَّهَ الْعَظِيمَ لِي وَلَكُمْ،
وَ لِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ،
فِيَا فَوْزَ الْمُسْتَغْفِرِينَ، وَيَا نَجَاةَ التَّائِبِينَ.

KHUTBAH KEDUA

الْحَمْدُ لِلَّهِ رَبِّ الْعَالَمِينَ، وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا
مُحَمَّدٍ وَعَلَى آلِهِ وَأَصْحَابِهِ أَجْمَعِينَ.

أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

مَعَاشِرَ الْمُسْلِمِينَ رَحِمَكُمُ اللَّهُ،

Sidang Jumaat yang dikasihi.

Kehidupan di dunia ini perlu kepada interaksi antara satu sama lain. Tidak ada orang yang mampu mengurus kehidupan tanpa penglibatan orang lain. Itulah sunnatullah dalam kehidupan. Justeru, pereratkanlah hubungan sesama manusia dengan saling menghormati, sayang menyayangi dan bantu-membantu antara satu sama lain. Mudah-mudahan kesatuan umat Islam akan lebih kukuh dan kesejahteraan akan dapat dikecapi bersama.

Begitu juga, marilah kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا

مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،
إِنَّكَ حَمِيدٌ مُجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ
اشْفِ مَرْضَانَا وَارْحَمْ مَوْتَانَا، وَالطُّفَّ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ
السُّلْطَانِ مُحَمَّدِ الْمُكْتَفِيِّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ
زَاهِرَةَ، سُلْطَانَةَ تَرَغْكَانُو.

وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،
بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وَبِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ
زَيْنِ الْعَابِدِينَ.

اللَّهُمَّ أَعِزِّ الْإِسْلَامَ وَالْمُسْلِمِينَ، وَأَذِلَّ الْمُعْتَدِينَ الظَّالِمِينَ، وَدَمِّرْ أَعْدَائِكَ
أَعْدَاءَ الدِّينِ، وَأَنْصُرْنَا عَلَيْهِمْ يَا رَبَّ الْعَالَمِينَ. اللَّهُمَّ أَنْصُرْ إِخْوَانَنَا الْمُسْلِمِينَ
وَالْمُجَاهِدِينَ فِي فَلَسْطِينَ وَفِي كُلِّ مَكَانٍ.

Ya Allah,

Kami memohon hidayah dan petunjuk ke jalan kebenaran. Tetapkanlah iman kami di dalam agama-Mu. Basahilah lidah kami dengan bacaan al-Quran dan zikir kepada-Mu. Jadikanlah akhlak junjungan besar Nabi Muhammad SAW sebagai ikutan kami. Pereratkanlah hubungan sesama kami, saling bekerjasama dan bantu membantu dalam kebajikan dan taqwa.

Ya Allah

Jadikanlah negeri ini negeri yang aman, maju lagi diberkati. Bukakanlah pintu-pintu rezeki dari segala penjuru. Kurniakanlah kepada kami nikmat kesejahteraan yang berterusan. Jauhkanlah negeri kami ini daripada segala malapetaka, musibah dan apa jua kemurkaan-Mu.

Ya Allah,

Anugerahilah keberkatan kepada para pembayar zakat dan pewakaf MAIDAM. Semoga Allah SWT mengurniakan ganjaran ke atas apa yang diberikan dan memberi keberkatan ke atas harta yang berbaki.

Ya Allah,

Anugerahkan pertolongan dan bantuanMu untuk saudara kami di Palestin. Berikanlah ketabahan dan kekuatan kepada mereka dalam menghadapi kekejaman rejim zionis. Peliharakanlah bumi Baitul Maqdis dan seluruh saudara kami di sana.

آمين يا الله، يا رب العالمين

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَى وَيَنْهَى عَنِ
الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ
فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُوا لَهُ عَلَى نِعَمِهِ يَزِدْكُمْ،
وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.

قُومُوا إِلَى صَلَاتِكُمْ، يَرْحَمْكُمْ اللهُ.